

9-D17-Sy الله يساعدي عليها

أ - شو؟ خير؟ لوين رايحة؟

ب - رايحين أنا وسلمى نَتَغْدَى بالمطعم. بعدين رَح اروح عالمول نعمل شوية شوبينغ.

أ - إيه؟ وأنا؟

ب - إِنْتَ شُو؟ إِنْتَ قَاعِدْ بالبيت عم تقرأ جريدتك وتشرب قهوتك وتشتغل. دائماً بَتَقْلِلِي إِنَّك مشغول وما عندك وقت تَطْلَع معي. فَأَحْسَن شي إِنْني إِطْلَع مع رفقاتي.

أ - يا سلام! وَأَيْمَتِي رَح تَرْجَعِي؟

ب - بعد الضُّهر. حَوَالِي الساعة أربعة، أربعة ونُصّ، هِيك شي.

أ - وإِبنك مروان؟

ب - مروان راح عالنادي هو ورفقاته. بيلعبوا فوتبول، وما رَح يَرْجَع قبل المساء.

أ - والغداء؟

ب - إِذَا جِئْتُ فِي أَكْل من مَبَارِح وفي مايكروايف.

أ - يعني أنا رَح أَكُون لِحَالِي بالبيت كِلّ اليوم؟

ب - إيه حبيبي. منشان تعرف تشتغل منيح. يلا، بدك شي؟

أ - لاء، سلامتك.

ب - باي.

أ - اااه! والله ما بعرف كيف بدي اعيش مع هالمرّة. ما بعرف شو بدي
أعمل معها. إذا ما اشتغلت كثير بتقللي حبيبي، بدنا مصاري. وإذا
اشتغلت كثير بتقللي ما عندك وقت تطلع معي. الله يساعدني عليها.